



UNIVERSITI TEKNIKAL MALAYSIA MELAKA

**SURAT PEKELILING PENTADBIRAN
BILANGAN 10 TAHUN 2010**

**KELAYAKAN SIJIL TINGGI AGAMA MALAYSIA
(STAM) OLEH LEMBAGA PEPERIKSAAN BAGI
MAKSUD PELANTIKAN KE PERKHIDMATAN
AWAM**

Pejabat Pendaftar
5 Oktober 2010

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.03/10.12/1(38)

5 OKTOBER 2010

SURAT PEKELILING PENTADBIRAN BIL.10/2010

KELAYAKAN SIJIL TINGGI AGAMA MALAYSIA (STAM) OLEH LEMBAGA PEPERIKSAAN BAGI MAKSUD PELANTIKAN KE PERKHIDMATAN AWAM

1.0 TUJUAN

Surat Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Bil 4/2010 berhubung kelulusan pemakaian sepenuhnya Surat Pekeliling Perkhidmatan Bil 14/2009, Kelayakan Sijil Tinggi Agama Malaysia (STAM) oleh Lembaga Peperiksaan, bagi maksud pelantikan ke perkhidmatan awam.

2.0 LATAR BELAKANG

2.1 Kerajaan telah mengiktiraf kelayakan Sijil Tinggi Agama Malaysia (STAM) yang dikeluarkan oleh Lembaga Peperiksaan, Kementerian Pelajaran Malaysia setaraf dengan Sijil Tinggi Persekolahan Malaysia (STPM).

2.2 Selaras dengan pengiktirafan tersebut, lulusan STAM boleh dipertimbang untuk dilantik terus atau Kenaikan Pangkat Secara Lantikan (KPSL) ke perkhidmatan awam bagi mengisi jawatan yang mensyaratkan kelayakan masuk di peringkat STPM **di mana bersesuaian.**

3.0 KAEDAH PELAPORAN PENCAPAIAN KEPUTUSAN STAM

3.1 Terdapat beberapa peringkat pencapaian dalam keputusan peperiksaan STAM bagi setiap mata pelajaran berdasarkan bidang yang telah ditetapkan. Peringkat serta tafsirannya adalah seperti di Jadual 1:

Peringkat	Tafsiran
<i>Mumtaz</i>	Cemerlang
<i>Jayyid Jiddan</i>	Sangat Baik
<i>Jayyid</i>	Baik
<i>Maqbul</i>	Lulus
<i>Rasib</i>	Gagal

Jadual 1

4.0 KELAYAKAN STAM UNTUK LANTIKAN KE PERKHIDMATAN AWAM

Calon-calun yang memiliki kelayakan STAM boleh dilantik ke skim-skim perkhidmatan yang mensyaratkan kelayakan masuk STPM berdasarkan tahap kelulusan berikut:

4.1 Lulus sekurang-kurangnya empat (4) mata pelajaran pada peringkat *Maqbul* dalam satu peperiksaan dengan kombinasi mata pelajaran berikut:

- (a) dua (2) mata pelajaran dalam bidang Bahasa Arab, satu (1) mata pelajaran dalam bidang Syariah dan satu (1) mata pelajaran dalam bidang Usuluddin; atau
- (b) satu (1) mata pelajaran dalam bidang Bahasa Arab, dua (2) mata pelajaran dalam bidang Syariah dan satu (1) mata pelajaran dalam bidang Usuluddin; atau
- (c) satu (1) mata pelajaran dalam bidang Bahasa Arab, satu (1) mata pelajaran dalam bidang Syariah dan dua (2) mata pelajaran dalam bidang Usuluddin; atau
- (d) dua (2) mata pelajaran dalam bidang Bahasa Arab dan dua (2) mata pelajaran dalam bidang Syariah; atau

- (e) dua (2) mata pelajaran dalam bidang Bahasa Arab dan dua (2) mata pelajaran dalam bidang Usuluddin; atau
- (f) dua (2) mata pelajaran dalam bidang Syariah dan dua (2) mata pelajaran dalam bidang Usuluddin; atau
- (g) tiga (3) mata pelajaran dalam bidang Bahasa Arab dan satu (1) mata pelajaran dalam bidang Syariah; atau
- (h) tiga (3) mata pelajaran dalam bidang Bahasa Arab dan satu (1) mata pelajaran dalam bidang Usuluddin; atau
- (i) satu (1) mata pelajaran dalam bidang Bahasa Arab dan tiga (3) mata pelajaran dalam bidang Usuluddin; atau
- (j) satu (1) mata pelajaran dalam bidang Syariah dan tiga (3) mata pelajaran dalam bidang Usuluddin; atau

4.2 Lulus sekurang-kurangnya empat (4) mata pelajaran pada peringkat *Maqbul* yang dikumpulkan daripada peperiksaan yang diduduki dalam tempoh tiga (3) tahun mulai dari tarikh keputusan peperiksaan yang pertama kali diduduki dengan kombinasi mata pelajaran seperti di perenggan 4.1 (a) hingga (j) di atas.

Senarai mata pelajaran STAM berdasarkan bidang yang ditetapkan adalah seperti berikut:

Bidang	Mata Pelajaran
Bahasa Arab	1. Nahu dan Sarf 2. Insya' dan Mutala'ah 3. Adab dan Nusus 4. 'Arudh dan Qafiyah 5. Balaghah

Syariah	6. Fiqh 7. Hadith dan Mustolah
Usuluddin	8. Hifz Al-Quran dan Tajwid 9. Tauhid dan Mantiq 10. Tafsir dan Ulumuhu

4.3 Calon yang tidak memiliki keputusan seperti di perenggan 4.1 atau 4.2 seperti di atas adalah tidak layak dipertimbang untuk maksud lantikan ke jawatan-jawatan dengan syarat lantikan STPM.

4.4 Surat Pekeliling ini hendaklah dibaca bersama dengan Surat Pekeliling Perkhidmatan Jabatan Perkhidmatan Awam Malaysia Bil 14/2009. Salinan Surat Pekeliling tersebut boleh dirujuk di lawan web <http://www.jpa.gov.my>

5.0 TARIKH KUATKUASA

Surat Pekeliling ini berkuat kuasa mulai tarikh ianya dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah



HASAN BIN SIRUN

Pendaftar

/ukp